



Broj: 15-03-16-5-24-37/21

Datum: 24.5.2021 godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine d o n o s i

### **O D L U K U** **o izboru najpovoljnijeg ponuđača**

#### **Član 1.**

Najpovoljniji ponuđač u postupku javne nabavke **kesa za pakovanje dokumenata (d paketa)**, objavljenom na *web* portalu Agencije za javne nabavke Bosne i Hercegovine, Obavještenjem o nabavci broj 1110-7-1-12-3-33/21 od 18.3.2021. godine, a koji je proveden postupkom konkurentskog zahtjeva za dostavljanje ponuda, je „**FER PLAST“ d.o.o. Vogošća.**

#### **Član 2.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

#### **Član 3.**

Ova odluka stupa na snagu danom donošenja.

### **O b r a z l o ž e n j e**

Nakon preduzetih aktivnosti, Komisija za provođenje postupka javne nabavke je konstatovala da je rok za dostavljanje ponuda 7.4.2021. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača: „Plastex“ d.o.o. Gračanica, „Variplast“ d.o.o. Gračanica i „Fer plast“ d.o.o. Vogošća. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Zapisnički je utvrđeno da ponuđač Variplast d.o.o. Gračanica nije postupio u skladu sa tenderskom dokumentacijom i dostavio tražene dokumente, zbog čega je Komisija ocijenila da ovaj ponuđač nije kvalifikovan i odbacila je njegovu ponudu. Naime, ponuđač je uz svoju ponudu dostavio ugovore koje je zaključio sa drugim ugovornim stranama, dok je tačkom 3.4.1. tenderske dokumentacije od ponuđača izričito traženo da uz spisak izvršenih ugovora dostave minimalno jednu potvrdu koju je izdala druga ugovorna strana o urednoj realizaciji ugovora o nabavci sa iznosom minimalno 10.000,00 KM, čiji predmet nabavke su kесе za pakovanje. Takođe, ponuđač uz svoju ponudu nije dostavio Nacrt ugovora – Aneks 6, koji je trebao biti popunjen i potpisan kako je traženo tačkom 18. Konkurentskog zahtjeva.



Komisija je tokom analize ponude ponuđača Fer plast d.o.o. Vogošća utvrdila da ova ponuda ne sadrži spisak izvršenih ugovora, a kako je traženo tačkom 3.4.1. tenderske dokumentacije, i da ista sadrži Nacrt ugovora – Aneks 6 popunjen samo sa podacima o ponuđaču, potpisan i ovjeren od strane ponuđača. U vezi navedenog zauzet je da se ponuda ovog ponuđača ne odbaci iz navedenih razloga jer je dostavio dvije (2) potvrde o urednoj realizaciji ugovora od druge ugovorne strane, što potvrđuje urednu realizaciju više ugovora od strane ovog ponuđača, dok se podaci koji nisu navedeni u Nacrtu ugovora mogu naći u popunjenom, potpisanom i ovjerenom Aneksu 4 - obrascu za cijenu ponude koji je sastavni dio ponude. U skladu sa navedenim, uz ove napomene Komisija je ponudu ovog ponuđača ocijenila kvalifikovanom i prihvatljivom.

Zapisnički je utvrđeno da je ponuda ponuđača Plastex d.o.o. Gračanica kvalifikovana, jer je ovaj ponuđač uredno dostavio sve tražene dokaze propisane tenderskom dokumentacijom, te je ista i prihvatljiva.

Analizom ponuda i nakon provedene e-aukcije između dva (2) ponuđača koji su dostavili prihvatljive ponude, primjenom kriterijuma najniže cijene, Komisija je utvrdila da je najpovoljnija ponuda ponuđača „Fer Plast“ d.o.o. Vogošća, sa ukupnom cijenom od **11.400,00 KM bez uračunatog PDV-a**, odnosno **13.338,00 KM sa PDV-om**, koja u ekonomskom i tehničkom smislu u potpunosti zadovoljava zahtjeve Agencije, te je dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR  
Dr. sc. Arif Nanić

Signed by: ANANIC / digitalno potpisano / digitally signed